




ARUBA RECORDING STUDIO

NEPTUNESSTRAAT 10
ORANJESTAD ARUBA



582-4416

Tel: 588-7755
582-4416
Cel: 593-0664

Marcos Bislip a cumpli 13 Anja como astronomo aki na Aruba



ORANJESTAD - Dia 21 di december 2003 a recorda cu 13 aña pasa Marcos Bislip a cuminsa su carera den e tereno di astronomia aki na Aruba como astronomo, esaki tabata na 1990. Dedicando hopi tempo na e ciencia di astronomia y cu awe na Aruba esaki a crece y bira grandi y na unda e comunidad ta mas interesa y consciente pa cu astronomia tanto ariba tereno local y internacional.

For di aña 1990 te cu 1993 Bislip a traha su so y tabata ariba e mesun fecha tres aña despues cu

un grupo di amigo y conocirnan a dicide hunto cu Marcos Bislip pa lanta e organizacion Aruba Astro Research y cu e aña'ki tambe ta cumpli 10 aña di existencia.

Manera ta conoci Marcos Bislip tabata traha na radio pa varios aña, y via cual medionan por a promocion y haci astronomia grandi na Aruba.

For di 1993 te cu 1997 tanto Bislip como e organizacion Aruba Astro Research a traha mas localmente ariba e tereno di

astronomia cu internacionalmente.

Tabata na 1997 cu Marcos Bislip y Aruba Astro Research a cuminsa traha ariba e tereno

internacional di astronomia mas hopi, y na unda cu pa prome biaha tanto Aruba Astro Research y

Marcos Bislip como astronomo a conoce personanan mundialmente renombra den e tereno di

astronomia manera Sr. Ken Willcox, Jay M. Pasachoff, Fred Espenak y Paul Maley considera e mihor astronomonan na mundo ariba e tereno di eclipse di solo.

Durante 1997 e trabaonan pa e preparacion pa e evento di eclipse total di solo na Aruba

pa dia 26 di februari 1998 tabata intenso pa asina tur e gruponan di astronomonan y cientificonan

por haya e mihor sitionan pa observa y colecta datonan importante di e eclipse sin cu nan por wordo st y cu nan por haya tur e cosnan cu ta posibel, esta si nan mes, te, cos di bebe, cuminda, y on di telefoon entre otro, nanon mes.

Tambe durante 1997 Bislip y Aruba Astro Research mester a colecta datonan importante di

e situacion di tempo na Aruba, temperatura etc pa asina manda e datonan aki pa tur e astronomonan rond di mundo. Oficina di Turismo pa medio di su departamento di actividadnan special a lanta un Comision Nacional pa cu e evento di eclipse dia 26 di februari 1998 y na unda Marcos Bislip a wordo nombra pa gobierno di Aruba como representante di ciencia di astronomia aki na Aruba.

Marcos Bislip a bira e representante y vocero oficial di e astronomonan y cientificonan na Aruba.

Aparte di e Comision di Eclipse Nacional, Marcos Bislip a lanta tambe un comision no-gubernamental esta ATSEC cu ayudo a saca cara di Aruba masha hopi mes.

E comision tabata wordo forma pa Aruba Astro Research, Comercio di Aruba y Voluntarionan local cu a yuda traha dos

Website pa duna mas informacion di e evento y tambe pa promociona

nos isla di Aruba, esaki danki na Robert Dubero y Internet Cafe, CaribMedia y Ron van Kessel

kende ta miembro tambe di Aruba Astro Research, pa motibo cu masha poco promocion y

informacion a wordo duna na comunidad internacional y local relaciona cu e eclipse di solo.

Na 1999 Marcos Bislip ta biaha pa representa pais Aruba, den nomber di Aruba Astro

Research y Astronomical League como e prome y unico astronomo arubiano y di nacionalidad

hulandes cu a forma parti di e team internacional di astronomonan y cientificonan mas renombra

di mundo ariba e tereno di eclipse total di solo. Como como astronomo y como miembro di Aruba Astro Research y Astronomical League el a representa Aruba na Kastamonu na Turkia.

Na Turkia Bislip a intercambia di informacion ariba e tereno di astronomia y sismologia.

Tambe el a representa Aruba na

Atenas y na Mitilini, Grecia; pa asina conoce mas di serca

e historia di astronomia, con esaki a cuminsa y alaves a intercambia di informacion cu instancianan tanto gubernamental y no-gubernamental cu ta traha ariba e tereno di astronomia y cosmologia, como tambe ariba e tereno di meteorologia y sismologia na Grecia.

Dia 27 di augustus 2003 Marcos Bislip y e team special di Aruba Astro Research a wordo sorprendi pa e gran cantidad di personanan cu a sali ariba caya y cu a bin apoyanan na e sitio di observacion na Sero Colebra na Sero Colorado na San Nicolas.

Tambe Bislip ta hopi conoci pa e conteo di tur fin di aña for di e centro di observacion

ATSOC hunto cu Radio Magic 96.5 FM Ruben Garcia, Erin Croes y Ivan Kelly, Radio Galactica FM Roberto Geerman, Jimmy Oduber y Joe Hernandez, Radio Top 95 FM Harry y Edmond Croes.

Marcos Bislip a drenta e tereno di astronomia paso e tin un amor masha masha grandi pa

astronomia, hasta el a sacrifica su temponan liber y tin biaha su propio bida pa por

saca fotonan astronomico na sitionan peligroso aki na Aruba.

Marcos tin hopi amor pa astronomia pa motibo cu tur loke Dios a crea mester wordo stima y aprecia, por ehempel solo y luna, planetanan y streanan, cometan, meteoronan y asteriodnan, galaxianan, pulsarnan y nos universo. a e motibo ey tambe Bislip ta alaves un ambientalista y

ecologista di curazon paso tur loke Dios a crea esta tera, aire, awa, matanan y animalnan y nos planeta tera mes mester wordo stima y proteha contra un destruccion propio pa nos mes como ser humano.

Den 2004 Sr. Marcos Bislip lo evalua si e lo sigui den e tereno di astronomia aki na Aruba, mirando cu su persona y e organizacion Aruba Astro Research ta sacrifica demasiado sin por mira un esfuerso ta bin for di otro sectornan comercial, di telecomunicacion, di gobierno, etc.